



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry for Education

Broj: 11-04/02-34-42543-4/23

Sarajevo, 28.11.2023. godine

## **SKUPŠTINA KANTONA SARAJEVO**

**n/r Elvedin Okerić, predsjedavajući Skupštine Kantona Sarajevo**

**Predmet:** Odgovor na zastupničku inicijativu, *dostavlja se*

### **ZASTUPNIČA INICIJATIVA:**

Zastupnica u Skupštini Kantona Sarajevo, Marijela Hašimbegović, na Devetoj radnoj sjednici Skupštine Kantona Sarajevo koja je održana 03.10.2023. godine pokrenula je zastupničku inicijativu prema Ministarstvu za odgoj i obrazovanje Kantona Sarajevo kojom se traži pokretanje aktivnosti na utvrđivanju razloga suspenzije nastavnice Suade Karić u JU Srednja škola poljoprivrede, prehrane, veterine i uslužnih djelatnosti koja je izvršena od strane direktorice navedene škole. U tom smislu, u zastupničkoj inicijativi se traži da se utvrdi da li su razlozi suspenzije i provedeni postupak pravno utemeljeni, zatim da se utvrde sve radnje koje su prethodile odluci o suspenziji uz materijalne dokaze i iskaze svjedoka, kao i sve druge važne činjenice kojima se utvrđuje odgovornost.

### **ODGOVOR:**

U cilju dostave cjelovite informacije zastupnici u Skupštini Kantona Sarajevo, Ministarstvo za odgoj i obrazovanje je od JU Srednja škola poljoprivrede, prehrane, veterine i uslužnih djelatnosti (u nastavku teksta: Škola) zatražilo dostavu izjašnjenja u odnosu na pokrenutu zastupničku inicijativu. Škola je Ministarstvu dostavila pisanu informaciju sa relevantnom dokumentacijom o provedenim radnjama u slučaju suspenzije radnice Suade Karić, a na osnovu koje se, kao nesporno može utvrditi da je protiv imenovane radnice pokrenut disciplinski postupak, radnje koje su provedene, činjenično stanje koje je utvrđeno i odluke koje su donesene.

Sumirajući dostavljene informacije i priložene dokaze, moguće je utvrditi da je protiv radnice proveden postupak za utvrđivanje disciplinske odgovornosti i da je izrečena mjera o udaljenju-suspenziji s posla (prvostepeni postupak), kao i da je proveden drugostepeni postupak na osnovu žalbe radnice na izrečenu mjeru. Odlučujući po podnesnoj žalbi radnice Školski odbor je donio rješenje kojim je žalbu odbio kao neosnovanu. Slijedom navedenog, proizilazi da je postupak koji je u konkretnom slučaju pokrenula Škola kao poslodavac okončan i da radnicama na raspolaganju ima mogućnost zaštitu svojih prava ostvarivati pred nadležnim sudom.

Ministarstvo cijeni izuzetno važnim ukazati na činjenicu da je cjelokupan proces u vezi sa suspenzijom radnice Suade Karić bio predmetom inspeksijskog nadzora od Inspektorata rada Kantonalne uprave za inspeksijske poslove, u smislu provjere pravilne primjene:

- Zakona o radu („Službene novine Federacije BiH“ broj. 26/16, 89/18, 44/22),
- Kolektivnog ugovora za djelatnost srednjeg obrazovanja u Kantonu Sarajevo („Službene novine Kantona Sarajevo“ broj: 38/22),
- Pravilnika o radu Škole,
- drugih odredbi i propisa ovisno o utvrđenom činjeničnom stanju.

Uvidom u zapisnik o izvršenom inspeksijskom nadzoru broj: UP-1-14-09-30-20100/23 od 02.11.2023. godine može se utvrditi da je Inspektor rada zapisnički utvrdio da je disciplinski postupak proveden u skladu sa naprijed navedenim propisima.

U odnosu na dio zahtjeva da se Ministarstvo očituje da li je postupak suspenzije profesorice Suade Karić proveden na pravilan i zakonit način, Ministarstvo ističe činjenicu da je pravilnost provedenog postupka već utvrdio nadležni Inspektorat rada.

Nadalje, u vezi sa zahtjevom za uključivanje Ministarstva u proces utvrđivanja i razjašnjenja svih pravno relevantnih činjenica i okolnosti na osnovu kojih se utvrđuje eventualna odgovornost pomenute radnice, Ministarstvo je stava da organi Škole u svakom konkretnom slučaju samostalno provode radnje na utvrđivanju svih pravno relevantnih pravnih činjenica i okolnosti u okviru zakonom propisane nadležnosti, što isključuje involviranje drugih subjekata, pa tako i samog Ministarstva u taj proces. Princip samostalnosti u postupanju i odredbe zakonskih propisa o stvarnoj nadležnosti isključuju mogućnost involviranja drugih subjekata, pa tako i samog Ministarstva, u taj proces, s obzirom na činjenicu da bi takvo uključivanje moglo narušiti princip nepristrasnosti i dovesti u pitanje objektivnost cijelog procesa.

Ministarstvo prema Zakonu o srednjem obrazovanju, Zakonu o radu, te Kolektivnom ugovoru za djelatnost srednjeg obrazovanja na području Kantona Sarajevo nema nadležnost sudjelovati u provođenju radnji procesnog karaktera, niti u odnosu na primjenu materijalnog prava, kako u prvostepenom, tako i u drugostepenom postupku.



Također. Minisatsrtvo naglašava da je relevantnim zakonskim i podzakonskim propisima, na jasan i precizan način, propisan postupak zaštite prava i pravnih interesa radnika u okviru Škole u slučaju kada im je odlukama ili radnjama organa Škole povrijeđeno neko od priznatih prava. Također, neupitno je i postojanje pravnih mehanizama za zaštitu njihovih prava i pravnih interesa nakon što se prethodno iscrpe svi postojeći pravni mehanizmi koji postoje u okviru Škole.

Prema odredbama Zakona o srednjem obrazovanju, Škola ima i sekretara kao stručno lice koje pomaže organima Škole u provođenju radnji iz njihove nadležnosti, pružajući im neophodnu stručnu, pravnu pomoć i podršku.

Slijedom naprijed navedenog, Ministarstvo je stava da se procesi u okviru Škole trebaju odvijati u propisanim rokovima i uz strogo poštivanje procesnog i materijalnog prava, kao i uz osiguranje prava na djelotvoran pravni lijek u odnosu na radnje i odluke organa Škole i to kako u okviru same Škole, tako i pred nadležnim sudom.

S poštovanjem,

  
**MINISTARICA**  
[REDACTED]  
**Naida Hota-Muminović**

**Dostaviti:**

1. Naslovu,
2. Evidenciji,
3. a/a.

